

Gielddaráđđehus

Áigi	02.12.2024 dmu 13:00 - 17:20	
Báiki	Hybridačoahkkín, gielddadálu váldostivrasále dahje Teams-heivehus	
Giedahallon áššit		
§	Bajilčála	Siidu
§ 150	Čoahkkima lágalašvuohta ja mearridanváldi	3
§ 151	Beavdegirjedárkkisteaddjiid válljen	4
§ 152	Čoahkkima bargoortnega dohkkeheapmi	5
§ 153	Dili birra oanehaččat	6
§ 154	Gávpenannejeaddji giddodatluohpadanalmmuhusat ja gieldda ovdaoastinvuoigatvuođa geavaheapmi	7
§ 155	Váldostivrra 6.11.2024 ollašuhttin	8
§ 156	Hálddahusnjuolggadusa nuppástus, TE24 bálvalusat	9
§ 157	Bušeahhtaárvalus 2025 ja ekonomiiaplána jagiide 2025-2027	10
§ 158	Bargoburesveadjinplána	12
§ 159	Omago oktasašgeavahanbiilla háhkan Ohcejoga gildii	13
§ 160	Ohcejohnjálmmi boares skuvlaguovddáža máttageaži vistti vuovdin	15
§ 161	Lassemearreruhta guovlluid huksen- ja ortnegisdoallanbálvalusaide	17
§ 162	Lassemearreruhta áššedovdibálvalusaide	18
§ 163	Lassemearreruhta SER-čuoggáid goluide	19
§ 164	Lassemearreruhta: Ealáhusdoaimma gaskaboddosaš bargiid mb-bálkkát 2024	20
§ 165	Lappi filbmakomišuvnna (Lapin elokuvakomissio) doaimma House of Lapland manjá	21
§ 166	Doaimmaorgánaid mearrádusat	24
§ 167	Ruhtadoalu birra oanehaččat	25
§ 168	Áššit diehtun	26
§ 169	Gielddaráđđehusa čoahkkínáiggít giđđa 2025	27
§ 170	Kredihttagoartta skáhppon, Pirjo Seurujärvi	28
§ 171	Lassemearreruhtaohcamuš vuodđooahpahussii 2024	29
§ 172	Ohcejoga gieldda organisašuvdnanuppástus	30

Oasseváldit

	Namma	Doaibma	Lassedieđut
Mielde	Guttorm Väinö	ságadoalli	Mielde 13:00-17:20
	Kordelin Marjatta	lahttu	Mielde 13:00-17:20
	Porsanger Veikko	lahttu	Mielde 13:00-17:20
	Tapiola Ilmari	lahttu	Mielde 13:00-17:20
	Guttorm Urho	várrelahttu	Mielde 13:00-17:20
	Wargh Kirsi-Marja	várrelahttu	Mielde 13:00-17:20
	Aikio Mika	váldostivrra II	Mielde 13:00-17:20
		várreságadoalli	

Eret Länsmann Vesa
Niittyvuopio-Valle Laura
Rasmussen Riikka
Konttinen Pirjo
Hekkanen Eemeli
Manninen Terttu
Holmberg Aslak
Ahlakorpi Anni

Eará Kontio Päivi
Länsmann Marja
Orti-Berg Riitta

gielddahoavda
beavdegirjedoalli
tulka

Vuolláičállosat

Väinö Guttorm
ságadoalli

Marja Länsmann
beavdegirjedoalli

Gieđahallon áššit 150 - 172

Beavdegirjii dárkkisteapmi Ohcejohka 3.12.2024

Urho Guttorm
beavdegirjedárkkisteaddji

Ilmari Tapiola
beavdegirjedárkkisteaddji

Beavdegirjii dollojuvvo albmosis

Gielddadállu, guovddášdoaimmahat 09.12.2024

Minna Lukkari
almmuhantávvala dikšu

Gielldaráđđehus

§ 150

02.12.2024

Čoahkkima lágalašvuohta ja mearridanváldi

Gr 02.12.2024 § 150

Mearrádusevttohus

Gávnnahuvvo, ahte čoahkkin lea lágalaččat čoahkkái bovdejuvvon ja mearridanválddálaš.

Mearrádus

Gávnnahuvvui, ahte čoahkkin lea lágalaččat čoahkkái bovdejuvvon ja mearridanválddálaš.

Gielddaráđdehus

§ 151

02.12.2024

Beavdegirjedárkkisteaddjiid välljen

Gr 02.12.2024 § 151

Mearrádusevttohus

Válljet čoahkkimii guokte beavdegirjedárkkisteaddji.

Mearrádus

Beavdegirjedárkkisteaddjin välljejuvuiga Urho Guttorm ja Ilmari Tapiola.

Gielddaráđdehus

§ 152

02.12.2024

Čoahkkima bargoortnega dohkkeheapmi

Gr 02.12.2024 § 152

Mearrádusevttohus

Gielddaráđdehus dohkkeha áššiid gieđahallanortnega čoahkkima áššelisttu mielde.

Mearrádus

Ságadoalli evttohii, ahte lasseáššin gieđahallojuvvojit Gielddaráđdehusa čoahkkináiggit giđđa 2025, Kredihttagoartta skáhppon Pirjo Seurujärvi, Lassemearreruhtaohcamuš vuoddoahpahussii 2024 sihke Ohcejoga gieldda organisašuvdnanuppástus.

Gieđahallanortnet dohkkehuvvui áššelisttu mielde ja dasa lasihuvvojedje áššit ságadoalli evttohusa mielde.

Gielldaráđđehus

§ 153

02.12.2024

Dili birra oanehaččat

Gr 02.12.2024 § 153

Gielldahoavda muitala áigeguovdilis áššiid birra oanehaččat.

Mearrádusevttohus

Merkejuvvo diehtun.

Mearrádus

Gulaimet eallinfápmodoaimma projektadiliid birra oanehaččat. Ráhkadusnuppástusa koordinašuvdna Ohcejogas -projeavtta birra muitalii projektahoavda Riikka Keskiäho, Mountresilience -projeavtta birra projektahoavda Taru Lindell ja Guollebivdoturismii laktáseaddji máhtu ovddideapmi Ohcejogas -projeavtta birra projektahoavda Antti Kastinen.

Gielldahoavda muitalii eará áigeguovdilis áššiid birra:

-Bázahusfuolahusa dilli ja haddemeroštallan

-Lappi buresveadjinguovllu láigogiddodagaid oažžun fitnodatvuodá ala

-Oahpahusministtar Anders Adlercreutz galledeapmi Helssegis

-Turku universitehta galledeapmi

Merkejuvvojedje diehtun.

Boddu dmu 14.50-15.00. Bottu maŋŋá ságadoalli gávnnaš, ahte čoahkkimis leat mielde seamma olbmot go álgosaš nammačuorvumis.

Gielddaráđđehus

§ 154

02.12.2024

Gávpenannejeaddji giddodatluohpadanalmmuhusat ja gieldda ovdaoastinvuoigatvuođa geavaheapmi

Gr 02.12.2024 § 154

Gildii leat bohtán 5 st gávpenannejeaddji giddodatluohpadanalmmuhusa, listu giddodatluohpadanalmmuhusain lea lassemateriálan. Giddodatluohpadanalmmuhusat leat oaidnin láhkai čoahkkimis.

Ovdaoastinlága mielde ovdaoastinvuoigatvuođa geavahettiin mearrádussii ožžot oasti ja vuovdi ohcat nuppástusa ja váidit hálddahasriektái.

Gieldda mearrádussii leat geavatkeahtá ovdaoastinvuoigatvuođa ii oaččo ohcat nuppástusa váidimiin.

Mearrádusevttohus

Gielddaráđđehus merke diehtun gávpenannejeaddjiid giddodatluohpadanalmmuhusaid ja mearrida, ahte gielda ii geavat ovdaoastinvuoigatvuođa báikkiide, mat gullet gávpái.

Mearrádus

Evttohus dohkkehuvvui.

Gielddaráđdehus

§ 155

02.12.2024

Váldostivrra 6.11.2024 čoahkkima ollašuhttinGr 02.12.2024 § 155
37/00.02.00/2024

Gieldalága mielde gielddaráđdehus vástida váldostivrra mearrádusaid lágalašvuoda bearráigeahčus.

Jos gielddaráđdehus oaidná, ahte váldostivrra mearrádus lea dahkkon boastto ortnegis dahje manná váldostivrra doaimaválddi badjel dahje muđui lea lága vuostá, gielddaráđdehus berre guođdit mearrádusa ollašuitekeahttá. Ášši galgá dalán bidjat váldostivrii ođđasit giedahallamii.

Čuovusin váldostivrra čoahkkima áššelistu. Váldostivrra mearrádusat leamašan oaidninláhkai 15.11.2024.

Áššemeannudeaddji

Gielddahoavda Kontio Päivi

Mearrádusevttohus

Gielddaráđdehus gávnaha, ahte váldostivrra mearrádusat leat lágalaččat ja ollašuhhtingelbbolaččat. Gielddaráđdehus čadaha ollašuhhtima.

Mearrádus

Evttohus dohkkehuvvui.

Čuvvosat

Čuovus 1 Váldostivrra 6.11.2024 bovdehus

Gielddaráđđehus

§ 156

02.12.2024

Hálddahusnjuolggadusa nuppástus, TE24 bálvalusat

Gr 02.12.2024 § 156

87/00.01.01.00/2024

TE 24 ođastusa mielde barggolašvuodabálvalusat sirdásit gielddaid ovddasvástádusa vuollái. Ohcejoga gielda gullá Davvi- ja Nuorta-Lappi barggolašvuodaguvlui ja vástugiellan doaibmá Soađegili gielda. Ohcejoga gieldda hálddahusnjuolggadusas ii leat sierra máinnašupmi barggolašvuoda dikšumis. Danin hálddahusnjuolggadussii galggašii dahkat girjema ášši birra. Ohcejoga gieldda hálddahusnjuolggadusa galggašii muđuige bidjat áiggi dássái, muhto dasa bohtá dárbu easkka jagis 2025.

Dahkat dán muttus hálddahusnjuolggadussii lasáhusa čuoggái 16 Eará mearrádusat: Bargofápmobálvalusain vástida gieldalága 51–52 § mielde dahkkon soahpamuša mielde ovttasdoaibmanguovlu, man vástugiellan doaibmá Soađegilli ja oktasašbargogiellan Anár, Giemajávri, Pelkosenniemi, Posio, Salla, Suovvaguoika ja Ohcejohka.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha ja evttoha ain váldostivrii dohkkehanláhkai dievasmahttima hálddahusnjuolggadussii čuoggái 16 Eará mearrádusat: Bargofápmobálvalusain vástida gieldalága 51–52 § mielde dahkkon soahpamuša mielde ovttasdoaibmanguovlu, man vástugiellan doaibmá Soađegilli ja oktasašbargogiellan Anár, Giemajávri, Pelkosenniemi, Posio, Salla, Suovvaguoika ja Ohcejohka.

Mearrádus

Evttohus dohkkehuvvui.

Gielddaráđdehus

§ 157

02.12.2024

Bušeahhtaárvalus 2025 ja ekonomiijaplána jagiide 2025-2027

Gr 02.12.2024 § 157
51/02.02.00/2024

Gieldalága 110 § mielde "Váldostivra galgá jagi loahpa rádjai dohkkehit gildii čuovvovaš kaleandarjahkái bušeahhtaárvalusa nu, ahte váldá vuhtii giel dakonseartna ekonomiija vásttuid ja geatnegasvuodaid. Dan dohkkeheami oktavuodas váldostivra galgá dohkkehit maiddái ekonomiijaplána uhcimustá golmma jahkái (plánabadji). Bušeahhtaárvalusjahki lea ekonomiijaplána vuosttas jahki.

Bušeahhtaárvalusa ja ekonomiijaplána galgá gárvvistit nu, ahte dat ollašuhttet giel dastrategiija ja vejolašvuodát gieldda bargguid dikšumii dorvvastuvvojit. Bušeahhtaárvalusas ja ekonomiijaplánas dohkkehuvvojit gieldda ja giel dakonseartna doaimma ja ekonomiija ulbmilat.

Ekonomiijaplána galgá leat dássedeattus dahje badjebázalaš. Gieldda balánsii čoggon vuollebáhčaga galgá gokčat eanemustá njealje jagi siste ruhtadoalloloahpaheami nannema čuovvu jagi álggu rájes. Giel da galgá ekonomiijaplánas mearridit dárkilit doaimmabijuin, mainna vuollebáza máinnašuvvon áigodagas gokčojuvvo.

Bušeahhtaárvalussii váldojit bargguid ja doaimma ulbmiliid gáibidan mearreruđat ja boahtoárvoštallamat ja das čujuhuvvo, mo ruhtadandárbu gokčojuvvo. Mearreruđa ja boahtoárvoštallama sáhtá váldit brutto- dahje nettomearrin. Bušeahhtaárvalusas ja ekonomiijaplánas lea geavahanekonomiija- ja boadusrehkenastinoassi sihke investeren- ja ruhtadanoassi.

Gieldda doaimmas ja ekonomiija dikšumis galgá čuovvut bušeahhtaárvalusa."

Gieldda stivrenjoavku lea dán čavčča áigge válmmaštallan bušeahhtaárvalusevttohusa jahkái 2025. Plánema vuodđun leamašan dán jagi bušeahhtaárvalus, bušeahhtaárvalusa ollašuvvan sihke ovddit jagi ruhtadoalloloahpaheapmi. Maiddái guhkit áigegaskka čuovvun lea dahkkon. Plánemis leat váldon vuhtii dat doaimmanuppástusat, mat leat dieđus.

Hálddahusgottit leat gieđahallan iežaset bušeahhtaárvalusevttohusaid lávdegottiin. Guovddášhálddahus doaimmahii hálddahusgottiide dárkilut rehkenastinrávvagiid omd. bargoveahkamanuid oasis.

Vearroproseanttat jahkái 2025 gieđahallojedje skábmamánu váldostivrra čoahkkimis. Stáhtaossodagat leat árvoštallon Gielddaid

Gielddaráđdehus

§ 157

02.12.2024

guovddášlihtu (Kuntaliitto) einnostusa vuodul. Einnostusat sáhttet vel dárkkálmuvvat loahppajagi áigge.

Plánajagit 2026-2027 leat gárvvistuvvon jagi 2025 vuodul vuhtiiváldimiin indeksabajádusaid sihke heivvolaš osiin doaimanuppástusaid.

Gielddahoavda ja hálddahushoavddat ovdanbuktet bušeahttaárvalusevttohusaid čoahkkimis.

Gieldda ekonomalaš dili sihke investerenprográmmas meroštallon investeremiid vuhtiiváldimiin lea dárbu ráhkkanit loatnaváldimii, vai sáhttá sihkkarastit máksinnávcca.

Áššemeannudeaddji

Gielddahoavda Kontio Päivi

Mearrádusevttohus

Gielddaráđdehus dohkkeha bušeahttaárvalusa jahkái 2025 sihke ekonomijaplánaid jagiide 2025-2027 ja evttoha daid ain váldostivrii dohkkehanláhkai. Gielddaráđdehus evttoha váldostivrii, ahte dat mieđiha gielddaráđdehussii eanemustá 1.000.000,00 euro loatnaváldinvuoigatvuoda. Gielddaráđdehus fápmuda gielddahoavdda ordnet loatnaáššiid, ee. gilvalahttima sihke vuolláičállit dárbbášlaš loatnaáššegirjiid gv. loana loktema várás. Gielddaráđdehus fápmuda doaimmahatčáli dahkat vejolaš stáhtaossodagaid nuppástusaid sihke eará teknihkalaš divvumiid bušeahttaárvalusgirjái ovdal váldostivrra gieđahallama.

Mearrádus

Hálddahushoavddat ovdanbukte iežaset bušeahttaárvalushápmosiid.

Evttohus dohkkehuvvui.

Gielddaráđdehus

§ 158

02.12.2024

BargoburesveadjinplánaGr 02.12.2024 § 158
103/00.01.02.00/2024

Ohcejoga gieldda jagis 2023 dohkkehuvvon gieldastrategiija mielde Ohcejoga gielddas galgá ovddidit stivrema, hovdenbarggu sihke bargiid bargoburesveadjima ja máhtu. Dán ulbmila olaheami várás lea gárvvistuvvon bargoburesveadjinplána jagiide 2025-2028. Plána vuodđun leat ávkkástallon giđdat 2024 dahkkon bargoburesveadjinjahallamiin, bargodearvvasvuodafuolahusa dahkan bargobáikečielggadusaiguin sihke ovddidanságastallamiiguin. Lassin duogášmateriálan leamašan Keva almmustahttin dutkamuš 3/2023 Työkykyjohtaminen ja työterveysyhteistyö julkisella alalla vuonna 2023 (J. Pulkkinen & K. Rynänen).

Dán bargoburesveadjinplána ulbmilin lea čielggasmahttit daid bargoburesveadjima mihttáriid, mat Ohcejoga gielddas leat anus, sihke ovddidit ja heivehit geavadii ođđa bargoburesveadjimii váikkuheaddji doaibmabijuid čuovvovaš njealje jagi áigge. Plána ollašuhttimis ja čuovvumis vástida gielddahoavda ovtta buresveadjinhoavddain. Lassin ruhtadoallobajiid mielde raporterejuvvo gielddaráđdehussii ja váldostivrii ulbmiliid ollašuvvamis sihke dahkkon doaibmabijuid váikkuhusain.

Áššemeannudeaddji	Gielddahoavda Kontio Päivi
Mearrádusevttohus	Gielddaráđdehus dohkkeha bargoburesveadjinplána, mii lea čuovusin.
Mearrádus	Evttohus dohkkehuvvui.
Čuvvosat	Čuovus 2 Bargoburesveadjinplána

Gielddaráđdehus

§ 159

02.12.2024

Omago oktasašgeavahanbiilla háhkan Ohcejoga gildii

Gr 02.12.2024 § 159

88/02.08.00/2024

Ohcejoga gielddas lea dárbu gávdnat ođđa vugiid ekonomiija balanseremii, muhto seammás ferte bastit ovdánit ja ođasmahttit doaibmamáliid. Gielddas eai leat leamaš fállun bargiide bargoaddi beales biillat ja dat lea mángii šaddan easttan ođđa bargi rekryteremii gildii dahje gieldda bargái čađahit sutnje gullevaš barggu dalle go iežas biilla lea fuolahusas dahje muđui eret anus.

Gielddas ii leat gielldaguovddážiid gaskkas joavkojohtolat ja siskkáldas bargomátkejohtolat gáibida álo iežas biilla geavaheami. GVBES:s meroštallon kilomehterbuhtadusat eai goit govčča biilla árvvluoitima, fuolahusaid dahje eará goluid, mat iežas biilla geavaheamis bargái šaddet. Jagis 2023 gieldda bargit vudje virge-dahje virgedoaimmahanmátkkiid oktiibuot 82 129 km, main buhtadus 50 785,11 €.

Nuorta-Lappi gielddastumis leamašan pilohttaiskkadallama vuolde Virtapailakka-Sisäinen saavutettavuus 365 projeavtta olis OMAGO-oktasašgeavahanbiilla. Biilla geavaheapmi vuodduuvvá soahpamuššii, man vuodul gieldda bargit sáhttet geavahit biilla bargovuodjimiidda virgeáigge dahje sierra soahpamuša mielde 0,20 € km máksobearramiin, go iežas biilla geavaheamis buhtadus bargái lea 0,57 €. Lassin eará áiggiin, goas biilla ii leat gieldda bargiid geavahusas, biilla sáhttet buhtadusa vuostá geavahit gielddalaččat, mátkkošteaddjit ja earát, geat biilla dárbbasit. Biilla várrejuvvo applikašuvnnain. Soahpamuššii gullet biilla fuolahus, čorgen, geaidnodorvu 24/7, je.

OMAGO prinsihpa mielde gildii buhttejuvvo 30 % priváhtageavahemiid máksin geavahanmávssuin ja buhtadus geahpeduvvo mánotbaimávssus.

Ovdamearka:

13 500 km x 0,57=7 695 € iežas biillain

13 500 km x 0,20 = 2 700 € Omago

30 000 km x 0,57 = 17 100 € iežas biillain

30 000 km x 0,20 = 6 000 € Omago

Biilla oppalašgolut jagis: 12 065 € árvalusain mas biilla ii leat geavahuvvon veháge priváhtavuodjimii. Lassin biilla doaimmahanmáksu 1000 €.

Nuorta-Lappi gielddastumi geavahanvásáhusat oktasašgeavahanbiillii ledje positiivvalaččat ja dorjot hárvvet ásojuvvon gielddaid vejolašvuoda váldit atnui

Gielddaráđđehus

§ 159

02.12.2024

oktasašgeavahanbiilla, vai turisttaide ja gielddaolbmuide livččii álit lihkadit gieldda guovllus buot joavkkuid vuhtiiváldimiin.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha evttohusa OMAGO oktasašgeavahanbiilla háhkamis Ohcejoga gildii 12 mb pilohttaáigodahkii 1.12.-31.12.2025. Oktasašgeavahanbiilla golut gokčojuvvojit bušeahttaárvalussii várrejuvvon mátkegoluid mielde.

Mearrádus

Evttohus dohkkehuvvui.

Gielddaráđđehus

§ 160

02.12.2024

Ohcejohnjálmmi boares skuvlagoovddáža máttageaži vistti vuovdin

61/10.03.02/2023

Ealteklg 7.12.2023 § 108

Ohcejoga gielddaráđđehusa nammadan giddodatbargojoavku lea dahkan guorusin báhcán skuvlavisttiide giddodatdárkkistusaid jagis 2022 sihke oahpásmuvvan visttiid stándaidda birra čállojuvvon árvvoštallanraporttaide ja addán dáid dieđuid vuodul guoros giddodagaid geavaheapmái iežas čoavddusevttohusa. Bargojoavku lea evttohan Ohcejohnjálmmi skuvlagoovddáža máttageaži vistti vuovdima. Teknihkalaš doaimma lea bivdán olggobeale giddodatvuovdis giddodatdárkkistusa ja árvvoštallat dálu vuovdinárvvu.

Evttohus:

Eallinfápmo- ja teknihkalaš lávdegoddi evttoha gielddaráđđehussii dálu vuovdima olggobeale giddodatvuovdi čállin raportta mielde. Vuosttažettiin eanavuodu láigoheapmi ja láigoviidodaga geavahanulbmila nuppástus spiehkastatlobiin, ja vejolaččat manjá vuovdin. Oasti vástidan láchkai báhcá liggerčoavddus, elerávdnjelaktaga earuheapmi gildii báhcci oasis/ođđa lávta. Giddodaga ráhkadussii guoski botkemis ráđđádallat oastiin (EI 60 seinniin). Oasti ohcá vistti oassái geavahanulbmila nuppástusa plánaidis vuodul.

Mearráduš:

Mika Aikio bođii čoahkkimii dmu 16.40. Čoahkkimis dollui boddu 16.45-16.50. Dohkkehuvvui evttohusa mielde.

Gielddaráđđehus 4.3.2024 § 29

Evttohus:

Gielddaráđđehus dohkkeha eallinfápmo- ja teknihkalaš lávdegotti evttohusa giddodaga oasi vuovdimis ja fápmuda teknihkalaš doaimma álggahit vistti vuovdima. Vuovdima eaktun geavahuvvojit teknihkalaš lávdegotti gárvvistan rávvagat. Giella ii evttot giddodaga oassái vuodđohatti. Vuovdinkanálan geavahuvvo Huutokaupat.com - bálvalus, mii lea viidát geavahusas almmolaš visttiid vuovdinkanálan.

Mearráduš:

Evttohus dohkkehuvvui.

Gr 02.12.2024 § 160

89/10.03.02.00/2024

Gielddaráđđehus lea fápmudan 4.3.2024 § 29 teknihkalaš doaimma álggahit Ohcejohnjálmmi boares skuvlagoovddáža máttageaži viesu vuovdima ja vuovdima eaktun geavahuvvojit teknihkalaš lávdegotti gárvvistan rávvagat. Giella ii evttot giddodaga oassái vuodđohatti.

Gielddaráđđehus

§ 160

02.12.2024

Mearrádusa mielde vuovdinkanálan geavahuvvui Huutokaupat.com -bálvalus. Vuovdinalmmuhus lea leamaš almmustahtton áigodagas 8.5.-23.6.2024. Alimus fáaldaga dahkan fitnodaga fáaldat dohkkehuvvui Huutokaupat.comis 25.6.2024 teknihkalaš doaimma beales.

Giddodaga vuovdima guoski gávpegirji lea mannon čađa oastiin 19.11.2024 čoahkkimis, mas báikki alde čuovvovaš olbmot: báikki oasti Mika Koskenniemi JH Kumu Oy, vs. gielddainšenevra Tapio Oikarainen, gielddaráđđehusa sd Väinö Guttorm, gielddahoavda Päivi Kontio, teknihkalaš doaimma kanslista Heidi Keskitalo sihke jurista Mika Vilmunen, Suomen hankintajuristit OY.

Báikki gávpegirji siidomateriálan.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha gávppašánvuloš ja giddodagas 890–401–66–22, čujuhusas Utsjoentie 48, 99980 Ohcejohka, leahkki viesu oasi vuovdimii guoski gávpegirji ja fápmuda gielddahoavdda vuolláičállit gávpegirji.

Nuppástusevttohus

Gielddaráđđehus mearrida, ahte báikki guoski vuovdinalmmuhus šluhttejuvvo, gávppašeapmi gaskkalduhtto iige gávpegirji vuolláičállo. Gielddaráđđehus fápmuda teknihkalaš doaimma álggahit báikki vuovdima ođđasit ovddit mearrádusa mielde. Gielddahoavda lea dahkan áššái guoski virgehálddašeaddjimearrádusa 26.11.2024. Virgehálddašeaddjimearrádus lei oaidninláhkai čoahkkimis.

Mearrádus

Nuppástusevttohus dohkkehuvvui.

Eallinfápmo- ja teknihkalaš lávdegoddi	§ 105	07.11.2024
Gielddaráđđehus	§ 161	02.12.2024

Lassemearruhta guovlluid huksen- ja ortnegisdoallanbálvalusaide

ealtekig 07.11.2024 § 105

Teknikkalaš doibmii leat bohtán dán jahkái plánekeahces golut lihkan- ja olgoguovlluid huksemii ja ortnegisdoallamii. Váldostivraálgaga geažil mearriduvvui Ohcejoga girkosiidii hukset beanapárkka ja Gáregasnjárgga álššastallanbána gárte divvut giđa dulvevahágiid geažil.

Lassin Ohcejoga álššastallanbánai leat háhkkojuvvon energiiaplána mielde ođđa led-lámpát, mat lonuhuvvojit dalán go dat lea vejolaš.

Áššemeannudeaddji	Giddodathoavda
Mearrádusevttohus	Lávdegoddi ohcá ovddabealde máinnašuvvon ákkaid vuodul gielddaráđđehusas ja ain váldostivrras lassemearruđa 14.000 euro gollobáikki 1715000002, Lihkan- ja olgoguovllut kontui 439012 guovlluid huksen- ja ortnegisdoallanbálvalusat.
Mearrádus	Mearrádusevttohus dohkkehuvvui.

Gr 02.12.2024 § 161
77/02.02.02/2024

Áššemeannudeaddji	Gielddahoavda Kontio Päivi
Mearrádusevttohus	Gielddaráđđehus dohkkeha ja evttoha ain váldostivrii dohkkehanláhkai lassemearruđa 14.000 euro gollobáikki 1715000002, Lihkan- ja olgoguovllut kontui 439012 guovlluid huksen- ja ortnegisdoallanbálvalusat.
Mearrádus	Evttohus dohkkehuvvui.

Eallinfápmo- ja teknihkalaš lávdegoddi	§ 106	07.11.2024
Gielddaráđđehus	§ 162	02.12.2024

Lassemearruhta áššedovdibálvalusaide

ealtekig 07.11.2024 § 106

Teknikkalaš doaibma lea geavahan áššedovdiveahki jagi 2024 eanet go bušeahhtaárvalussii lei várrejuvvon. Áššedovdiveahkki lea geavahuvvon ee. jagi 2022 gielddaráđđehusa dohkkehan guovtte viessosadjegávppi iešnjulgenprosessii sihke viessosadjehattiid áiggi dássái bidjamii. Áššedovdiveahkki lea ostojuvvon ee. Hankintajuristit-áššejuodjindoaimmahagas ja Swecos.

Áššemeannudeaddji Giddodathoavda

Mearrádusevttohus Lávdegoddi ohcá ovddabealde máinnašuvvon ákkaid vuodul gielddaráđđehusas ja ain váldostivrras lassemearruđa 6.500 euro gollobáikki 171500001, Eanaviidodagat (Maa-alueet) kontui 434001 áššedovdibálvalusat.

Mearrádus Mearrádusevttohus dohkkehuvvui.

Gr 02.12.2024 § 162
77/02.02.02/2024

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha ja evttoha ain váldostivrii dohkkehanláhkai lassemearruđa 6.500 euro gollobáikki 171500001, Eanaviidodagat (Maa-alueet) kontui 434001 áššedovdibálvalusat.

Mearrádus Evttohus dohkkehuvvui.

Eallinfápmo- ja teknikalaš lávdegoddi	§ 107	07.11.2024
Gielddaráđđehus	§ 163	02.12.2024

Lassemearruhta SER-čuoggáid goluide

ealtekig 07.11.2024 § 107

Ohcejoga girkosiidda sirdinlásten- ja ávkebázahusstašuvdna dollojuvvui geasseáigge rabas juohke vahkus, mas šadde lassegolut. Girkosiidda Sirdinlásten- ja ávkebázahusstašuvna leat gártan dálvvi maŋŋá čorget ja vehá divodit.

Gáregasnjárgga SER-čuoggái lea bukten jagi áigge ollu dakkár bázahus, mii dohko ii gula. Danin guovllu leat gártan čorget mángii oastobálvalussan ja sorteret bázahusaid, mas leat šaddan mearkkašahti lassegolut gildii.

Áššemeannudeaddji Giddodathoavda

Mearrádusevttohus Eallinfápmo- ja teknikalaš lávdegoddi ohca gielddaráđđehusas ja ain váldostivrras lassemearruđa 20.000 euro ovdalis namuhuvvon goluid gokčama várás gollobáikki 1715300005 kontui 439012.

Mearrádus Mearrádusevttohus dohkkehuvvui.

Gr 02.12.2024 § 163
77/02.02.02/2024

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha ja evttoha ain váldostivrii dohkkehanláhkai lassemearruđa 20.000 euro SER-čuoggáid goluid gokčamii gollobáikki 1715300005 kontui 439012.

Mearrádus Evttohus dohkkehuvvui.

Eallinfápmo- ja teknikkalaš lávdegoddi	§ 87	08.10.2024
Gielddaráđdehus	§ 164	02.12.2024

Lassemearruhta: Ealáhusdoaimma gaskaboddosaš bargiid mb-bálkkát 2024

ealteklg 08.10.2024 § 87

Válmmaštalli

Ealáhusčállu Juhán Länsman

Eallinfápmo- ja teknikkalaš lávdegoddi lea čatnasan mearrádusain (11.10.2023 § 92) ealáhusčállu mearraigásaš doibmii, muhto jagi 2024 bušeahttaárvalusa válmmaštallama áigge bálkágolot eai váldojuvvo vuhtii bušeahttaárvalusa mearreruđain. Dán sivvan ledje oassái hoahppu bušeterenmuttus ja lassin bargiresurssaid gaskaboddosaš rievdadusat. Ealáhuskoordináhtora bálkágolot leat leamašan dieđus, muhto ovdalis namuhuvvo sivaid dihtii bálkkát báhce merkekeahhtá bušeahttaárvalussii.

Ohcat lassemearruđa gaskaboddosaš ealáhuskoordináhtora bálkágoluid gokčama várás jahkái 2024.

Áššemeannudeaddji

Eallinfápmoavda Lepistö Tanja

Mearrádusevttohus

Eallinfápmo- ja teknikkalaš lávdegoddi evttoha gielddaráđdehussii ja ain váldostivrii dohkkehanláhka lassemearruđa jahkái 2024 ealáhuskoordináhtora bálkágoluid várás 13 000 euro. Lassemearruhta čujuhuvvo gollobáikái ealáhusdoaimma 1712000001, kontu gaskaboddosaččaid mb-bálkkát 400021.

Mearrádus

Mearrádusevttohus dohkkehuvvui.

Tanja Lepistö guđii čoahkkima dán paragrafa gieđahallama maŋŋá dii.17.30.

Gr 02.12.2024 § 164
57/01.01.01.00/2024

Áššemeannudeaddji

Gielddahoavda Kontio Päivi

Mearrádusevttohus

Gielddaráđdehus dohkkeha ja evttoha ain váldostivrii dohkkehanláhka lassemearruđa jahkái 2024 ealáhuskoordináhtora bálkágoluide 13 000 euro. Lassemearruhta čujuhuvvo gollobáikái ealáhusdoaimma 1712000001, kontu gaskaboddosaš bargiid mb-bálkkát 400021.

Mearrádus

Evttohus dohkkehuvvui.

Eallinfápmo- ja teknihkalaš láv- degoddi	§ 98	07.11.2024
Gielddaráđđehus	§ 165	02.12.2024

Lappi filbmakomišuvnna (Lapin elokuvakomissio) doaibma House of Lapland maŋŋá

Ealteklg 07.11.2024 § 98

Válmmaštalli

Eallinfápmohoavda Tanja Lepistö

Tunturi-Lapin Kehitys ry lea bivdán Lappi gielddain dieđu das, leatgo dat mielde filbmakomišuvnna doaimmas jagiin 2024- 2025. Filbmakomišuvdna lea gullan oassin House of Lapland, man doaibma nohká loahppajagi 2024. Čakčamánu 2024 House of Lapland (HOL) osolaččaid ráđđádallamis Tunturi-Lapin Kehitys ry almmuhii, ahte háldivččii doaibmat das ovddos Lappi filbmakomišuvnna gaskaboddosaš hálddahusdikšun. Eaktun hálddaha dikšumii lea dat, ahte dat gielddat, mat leat mielde, maiddái ávkašuvvet buvttadanbohtosiin - dát eaktu lea dohkkehuvvon. Dás ovddos nappo filbmakomišuvnna doaibma livččii oaivvilduvvon dušše daidda gielddaide, mat dan ruhtadit. Filbmakomišuvnna doaibma lea leamaš Lappii boaduslaš ja beaktil.

Tunturi-Lapin Kehitys ry lea joatkán ášši válmmaštallama ovttas HOL čielggadanolbmui. Lappi gielddaide lea sáddejuvvon jearahallan, mas bivdojuvvo almmuhit gielddaid hálu leat mielde Lappi filbmakomišuvnna HOL maŋŋelaš doaimmas maŋimustá golgotmánu beallemuttus (15.10.2024). Evttohusa mielde filbmakomissára sirdásivččii 1.11.2024 rájes ovddeš bargin ođđa bargoaddi bálvalussii. Lappi filbmakomišuvdna sirdojuvvošii fitnodatdoaibmaluohpadeapmin HOL čielggadanolbmo jodiheami vuolde. Jagi 2024 gollun lea árvoštallon 10 000e/mb ja jagi 2025 golloárvoštallon lea 120 000 euro + vejolaš 10-15% buvttadanmotiváhtor, stáhta 25% buvttadanmotiváhtora lassin. Filbmakomišuvnna golut juhkkujuvvojit oassálasti gielddaid gaskkas. Gielddaid, filbmakomišuvnna ja Tunturi-Lapin Kehitys ry gaskasaš ságastallančoahkkimis 16.10. meroštallojuvvui, ahte filbmakomišuvnna doaibma livččii pilohttamállesaš, mii bisttášii 2-3 jagi, ja dan áigge doibmii dahkkojuvvošii váikkuhusaid árvoštallon. Tunturi-Lapin Kehitys ry lea dán vuodul lahknonan 16.10.2024 gielddaid ođđa diđoštallamiin, ahte vulgetgo dat mielde filbmakomišuvnna doibmii čuovvovaš vuolggasajiiguin:

- Filbmakomišuvdna ja filbmakomissára sirdásit 1.11.2024 Tunturi-Lapin Kehitys ry bálvalussii. Tunturi-Lapin Kehitys čoahkkana giedahallat ášši dan stivrra čoahkkimis du 24.10.2024 Gihttelis ja Tunturi-Lapin Kehitys ry delegašuvnna čakčačoahkkimis Gihttelis 31.10.2024.
- Filbmakomišuvnna doaimmas ráhkaduvvo 3 jagi pilohtta jagiide 2025 - 2027.

Eallinfápmo- ja teknikalaš láv- § 98
degoddi
Gielddaráđdehus § 165

07.11.2024

02.12.2024

- Máksoluohkát vuodđuduvvet gielddaid olmmošlohkui ja filbmakomišuvnna vuodđodoaibmagollu, 120 000 euro, juhkkovuo vuolgi vuolgi gielddaid olmmošlogu vuodul. Mielde vuolgi gielddat čatnasit juohkit filbmakomišuvnna goluid fitnodatdoaibmaluohpadeamis 1.11.2024 rájes. Ná vuosttas jahki 2024 dahká oktiibuot 20 000 euro ja jahki 2025 oktiibuot 120 000 euro.
- Filbmakomišuvnna doaimmas dahkko váikkuhusaid árvvoštallan, man mielde vuolgi gielddat mearridit gaskaneaset ja sierra golloárvvoštallamiin.
- Gielddaid ja oahppolágádusaid, mat háldit vuolgit mielde, bivdet almmuhit das mañimustá 31.12.2024 Tunturi-Lapin Kehitys ry:i.
- Oahppolágádusaid bivdet gárvvistit iežaset evttohusaid ja singuin ráđđádallamiid jotket 6.11.2024 Roavvenjárggas.

Ohcejoga gieldda eallinfápmodoaibmasuorgi oaidná filbmakomišuvnna doaimmas vejolašvuodaid. Ohcejoga giella lea leamašan mielde filbmakomišuvnna mañimuš jagiid ja guovllu ealáhuseallimis lea buorre vásáhus buvttadanbohtosiin. Filbmakomišuvnna bargu ja gieldda oktasašbargu komišuvnnain lasiha guovllu oinnolašvuoda ja doarju gieldda dahkan eará brándibarggu. Gielddas eai leat ekonomalaš resurssat bargat dán sullasaš guovlomárkanastimiin ollásit iežas bušeahtain. Loahpalaš giellaruhtaossodat čielgá 31.12.2024, go mielde boahtti gielddat ja oahppolágádusat leat sihkkaraston. Dán rádjai Lappi gielddain Gihttel ja Anár leat mearridan searvat filbmakomišuvdnii.

Áššemeannudeaddji Eallinfápmohoavda Lepistö Tanja

Mearradusevttohus

Eallinfápmo- ja teknikalaš lávdegoddi dohkkeha ja evttoha ain gielddaráđdehussii, ahte

- Filbmakomišuvdna sirdása Tunturi- Lapin Kehitys ry hálddaha vuollái 1.11.2024 rájes, jos Tunturi- Lapin Kehitys ry (TLK) stivra ja delegašuvdna dohkkehit om. evttohusa.
- Ohcejoga giella oassálastá filbmakomišuvnna doibmii 1.11.2024 rájes ja čatnasa evttohuvuon pilohttabadjái. Ohcejoga gieldda oassálastima eaktun lea, ahte gieldda ruhtadanoassi lea 1.1.2025 rájes eanemustá 4300 euro/ jahki. Eallinfápmo- ja teknikalaš lávdegoddi várre om. mearreruđa álgosaččat bušeahttaárvalussii 2025. Eallinfápmo- ja teknikalaš lávdegoddi doarju evttohusa das, ja ruhtadanoassi juhkkovuo vuolgi vuolgi gielddaid olmmošlogu mielde.
- Doarju, ahte filbmakomišuvnna doaimmančoavddus piloterejuvvošii guovtti dahje golmma (2-3) jagi mearreáigásaš čoavddusin.
- Várre ruhtadit filbmakomišuvnna doaimma ja 11.1-31.12.2024 oktiibuot eanemustá 800 euroin. Áigodagas 1.11.-31.12.2024 šaddan om. goluid oassálasti gielddat juhket gaskaneaset olmmošlogu mielde.

Eallinfápmo- ja teknihkalaš láv- degoddi	§ 98	07.11.2024
Gielddaráđđehus	§ 165	02.12.2024

Mearrádus Mearrádusevttohus dohkkehuvvui.

Gr 02.12.2024 § 165
72/00.01.05/2024

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha eallinfápmo- ja teknihkalaš lávdegotti
evttohusa, ja fápmuda dás ovddos eallinfápmo- ja teknihkalaš
lávdegotti dahkat Lappi filbmakomišuvnna doaimma guoski
mearrádusaid mearreruđaidis olis.

Mearrádus Evttohus dohkkehuvvui.

Gielddaráđdehus

§ 166

02.12.2024

Doaibmaorgánaid mearrádusat

Gr 02.12.2024 § 166

Lávdegottiid beavdegirjiid berre doaimmahit gielddahovdii njealje beaivve siste beavdegirjii dárkkisteamis. Gielddaráđdehusas lea váldinvuoigatvuohta lávdegottiid, iežas juhkosa sihke vuollásaš stivrra ja virgeolbmo mearrádusaide. Váldinmearrádusa sáhtá dahkat gielddaráđdehus dahje dan ságadoalli, gielddahoavda dahje stivrennjuolggadusas mearriduvvon virgeolmmoš. Váldinvuoigatvuođa galgá geavahit manjimušta njulgengáibádusáiggi siste. Geavadis gielddahoavda manná lávdegottiid mearrádusaid čađa. Go gielddaráđdehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjiit diehtun ja seammás mearriduvvo, ahte váldinvuoigatvuohta ii geavahuvvo beavdegirjiid sisdollui gullelaš áššiin. Beavdegirjiid kopijiat eai laktojuvvo gielddaráđdehusa beavdegirjái, muhto dat galget leat lahtuid geavaheamis gielddaráđdehusa čoahkkimiin.

Čuovvovaš doaibmaorgánaid beavdegirjiit leat oaidnimis čoahkkinbáikkis: Eallinfápmo- ja tehnikkalaš lávdegoddi 8.10.2024 ja 7.11.2024, Čuvgehuslávdegoddi 22.10.2024 ja 14.11.2024.

Mearrádusevttohus

Gielddaráđdehus merke diehtun doaibmaorgánaid dahkan mearrádusaid ja gávnaha, ahte GieldaL 51 § mielásaš váldinvuoigatvuohta ii leat geavahuvvon.

Mearrádus

Evttohus dohkkehuvvui.

Gielddaráđđehus

§ 167

02.12.2024

Ruhtadoalu birra oanehaččat

Gr 02.12.2024 § 167

Mearrádusevttohus Gullat ruhtadoalu birra oanehaččat.

Mearrádus Merkejuvvui diehtun.

Gielddaráđđehus

§ 168

02.12.2024

Áššit diehtun

Gr 02.12.2024 § 168

Mearrádusevttohus Gielddaráđđehus merke diehtun čuovvovaš áššebáhpáriid:

Lappi EJB-guovddáš - Luonddusuodjalanlága 83 § mielásaš mearrádus ráfáidahtton loddešlájá besiid sirdima ja duššadeami birra, VARELY/4050/2024

Lappi buresveadjinguovlu

- Guovlostivrra beavdegirjeválddus 2.10.2024 § 427
- Guovlostivrra mearrádusdieđáhus 2.10.2024
- Buresveadjinguovllu sámegiela lávdegoddi; sámi giellalága stáhtadoarjaga ii oaččo geahpedit
- Guovlostivrra čoahkkindieđáhus 13.11.2024

Lapin Kalastusmatkailu ry

- Doarjalanbivdda Davvi-Lappi gielddaide Lapin Kalastusmatkailu ry evttohussii

Lappi lihttu

- Ráđđehus 30.9.2024 beavdegirji
- Stivra 21.10.2024 beavdegirji

Oikeuspalveluvirasto

- Ovdadiehtu čanusjoavkkuide boahttevaš Oikeuspalveluvirasto birra

Mearrádus

Merkejuvvojedje diehtun.

Dán oktavuodas gielddaráđđehus ságastalai Lapin Kalastusmatkailu ry doarjalanbivdaga birra. Merkejuvvui beavdegirjái, ahte gielddaráđđehusa ovttamielaláš oaidnu lei, ahte evttohusa eai doarjal.

Gielddaráđđehus

§ 169

02.12.2024

Gielddaráđđehusa čoahkkinaiggit giđđa 2025Gr 02.12.2024 § 169
32/00.02.01/2024

Ohcejoga gieldda hálddahunjuolggadusa 129 § mielde doaibmaorgána mearrida čoahkkimiiddis áiggi ja báikki.

Čoahkkin dollojuvvo maiddá dalle, go ságadoalli oaidná čoahkkima dárbbaslažžan dahje eanetlohku doaibmaorgána lahtuin dahká ságadoallái evttohusa čoahkkima doallamis dan ášši gieđahallama várás, man leat almmuhan. Dákkár dilis ságadoalli mearrida čoahkkinaiggi.

Ságadoalli sáhtá ákkastallon siva geažil šluhttet čoahkkima.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus mearrida giđđa 2025 čoahkkinbeaivin 17.2, 31.3 ja 5.5. Gielddaráđđehus sáhtá dárbbu mielde doallat badjelmearálaš čoahkkimiid. Čoahkkimat dollojit gielddadálus dábálaččat dii. 13.00 rájes hybridačoahkkimin.

Mearrádus

Evttohus dohkkehuvvui.

Gielddaráđdehus

§ 170

02.12.2024

Kredihttagoartta skáhppon, Pirjo Seurujärvi

Gr 02.12.2024 § 170

108/02.07.01/2024

Máŋgga gielddas smávvaskáhppomušain áidna vuohki skáhppot buktaga lea dingot dan neahttagávppis, gos sáhtta máksit dušše kredihttagoarttain. Gieldda kredihttagoarttat leat dál gielddahoavda Päivi Kontios, eallinfápmohoavda Tanja Lepistöš ja ealáhuskoordináhtor Taru Lindellis.

Áššemeannudeaddji

Gielddahoavda Kontio Päivi

Mearrádusevttohus

Gielddaráđdehus mearrida, ahte buresveadjinhoavda Pirjo Seurujärvii skáhppojuvvo gieldda kredihttagoarta. Kredihttagoartta mánnosaš kredihtarádján nannejuvvo 5 000 euro.

Mearrádus

Evttohus dohkkehuvvui.

Gielddaráđđehus

§ 171

02.12.2024

Lassemearruhtaohcamuš 2024 vuodđooahpahussii

Gr 02.12.2024 § 171

82/02.02.02/2024

Čuvgehuslávdegoddi mearridii čoahkkimis 14.11.2024 §122 fápmudit buresveadjinhoaavda dahkat dárbbu mielde lassemearruhtaohcamuša gielddaráđđehussii ja váldostivrii dohkkehanláhkai, jus vuodđooahpahusa goluid ii sáhte gokčat čuvgehusdoaimma siskkáldas sirdimiiguin.

Vuodđooahpahusa jagi 2024 ollašuvvan boađut leat mearkkašahtti láhkai uhcibut, go bušeahttaárvalussii lei árvoštallojuvvon. Bargigolut leat mannamin čielgasit badjel dan, mii lei bušeahttaárvalussii 2024 bušeterejuvvon. Dán bušeahta mannama badjel ii leat vejolaš ollásit gokčat siskkáldas sirdimiiguin. Dasgo boađut leat unnon ja bargigolut mannan badjel, ohccojuvvo lassemearruhta 300.000 € vuodđooahpahusa bargigoluid gokčama várás.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha ja evttoha ain váldostivrii dohkkehanláhkai lassemearruđa jahkái 2024 vuodđooahpahusa bargigoluide 300.000 €.

Mearrádus

Evttohus dohkkehuvvui.

Gielddaráđđehus

§ 172

02.12.2024

Ohcejoga gieldda organisašuvdnanuppástus

Gr 02.12.2024 § 172

109/00.01.01.01/2024

Ohcejoga gieldda ekonomalaš dilli lea hástaleaddji, ja dát gáibida organisašuvdnanuppástusa. Organisašuvdnanuppástusa ulbmilin lea gávdnat dakkár organisašuvdnaráhkadusa, man gollováikkuhusat dássejit gieldda ruhtadoalu mañimustá jagi 2030 plánaid mielde. Organisašuvdnaođastusa dárkkuhus lea geahpedit gieldda jođiheaddji- ja hoavdaráhkadusa, ja sihkkarastit, ahte leat doarvái resurssat áššedovdiide ja bargiide. Gieldda organisašuvnna doaimmaid geahčadeapmi guoská buot doaibmasurgiid.

Organisašuvdnaođastusa mearrádusdahkama vuodđun dárbbášuvvo ruhtadoalu málleráhkadeapmi. Dat sisttisdoallá gollováikkuhusaid árvvoštallama iešguđegelágan organisašuvdnavejolašvuodain. Dárbu lea gieldda olggobealáššedovdái, guhte bastá ovttasbarggus gieldda njunnošiiguin hukset iešguđege organisašuvdnamálliid ruhtadoaluin molssaeavttuid ja gollováikkuhusaid rehkenastimiid. Árvvoštallama mielde gokčevaš diehtovuđđui dárbbášuvvojit 2-3 iešguđegelágan organisašuvdnamálle Ohcejoga sturrosaš organisašuvnnas.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus fápmuda gielddahoavdda čielggadit iešguđege bálvalusfálliguin iešguđege molssaeavttuid ja válljet ovttas stivrenjoavkkuin dain dakkár bálvalusbuvttadeaddji, mii buoremusat vástida gieldda dárbbuid.

Mearrádus

Evttohus dohkkehuvvui.

Nuppástusohcanráva guoská paragrafáid: § 150, § 151, § 152, § 153, § 155, § 156, § 157, § 161, § 162, § 163, § 164, § 166, § 167, § 168, § 171

NUPPÁSTUSOHCANGIELDU

Dán mearrádusas ii oaččo dahkat vuigengáibádusa iige gielddaváidaga, dasgo mearrádus guoská

- gielдалáга 136 § mielde dušše válmmaštallama dahje ollašuhhtima
- bargo- dahje virgeeaktosoahpamuša dulkoma, heiveheami
- bargojodihan- ja bearráigeahččanvuoigatvuođa geavaheami

Nuppástusohcanráva guoská paragrafaid: § 154, § 158, § 159, § 160, § 165, § 169, § 170, § 172

VUIGENGÁIBÁDUSRÁVVAGAT

Dán mearrádussii duhtameahttun olmmoš sáhtta dahkat čálalaš vuigengáibádusa. Mearrádussii ii oaččo ohat nuppástusa duopmostullui váidimiin.

Vuigengáibádusvuoigatvuohta

Vuigengáibádusa oažžu dahkat:

- dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdui mearrádus njuolga váikkuha (*áššáiosolaš*), ja lassin
- gieldda lahttu.

Vuigengáibádusáigi

Vuigengáibádusa galgá dahkat 14 beaivve geažes das, go lea ožžon mearrádusa diehtun.

Vuigengáibádusa galgá doaimmahit Ohcejoga gieldda registrerenkantuvrii mearreáiggi maŋimuš beaivve ovdal, go registrerenkantuvra giddejuvvo.

Gehččojuvvo, ahte *áššáiosolaš* lea ožžon mearrádusas dieđu, jos ii eará čájehuvvo, čieža beaivve geažes reivve sáddemis. Go geavahuvvo dábálaš elektrovnnalaš diehtunaddin, de gehččojuvvo, ahte *áššáiosolaš* lea ožžon mearrádusas dieđu, jos ii eará čájehuvvo, goalmmát beaivve dieđu sáddemis.

Gehččojuvvo, ahte *gieldda lahttu* lea ožžon mearrádusas dieđu čieža beaivve geažes das, go beavdegirji lea leamašan oaidninláhkai almmolaš diehtofierpmis.

Diehtunoažžunbeaivi ii rehkenastojuvvo vuigengáibádusáigái. Jos njulgengáibádusáiggi maŋimuš beaivi lea iehčanasvuođabeaivi, válborbeaivi, juovla- dahje jonssotruohtta dahje árgalávvardat, de njulgengáibádusa oažžu doaimmahit vuosttas árgabeaivve dan maŋŋá.

Vuigengáibáduseiseváldi

Eiseváldi, geasa vuigengáibádus dahkkojuvvo, lea Ohcejoga gielddaráđdehus

Registrerenkantuvrra oktavuohtheadieđut:

Boastačujuhus: PL 41, 99981 OHCEJOHKA
Uksačujuhus: Luossa 1a, 99980 OHCEJOHKA
E-boasta: kunnanvirasto@utsjoki.fi
Telefonnummir: +358 40 188 6111

Registrerenkantuvra lea rabas vuossárggas bearjadahkii dii. 9.00 – 15.00.

Vuigengáibádusa hápmi ja sisdoallu

Vuigengáibádusa galgá dahkat čálalaččat. Maiddái elektrovnnalaš áššegirji deavdá čálalaš hámi gáibádusa.

Vuigengáibádusas galgá almmuhit:

- mearrádusa, masa ohcá vuigema
- mainna láhkai mearrádusa galgá vuiget
- maiguin ákkaiguin gáibida vuigema.

Vuigengáibádusas galgá lassin almmuhit dahkki nama, ruovttugieldda, boastačujuhusa ja telefonnummira.

Jos vuigengáibádusmearrádusa sáhtta addit diehtun elektrovnnalaš diehtun, de bivdit almmuhit oktavuhtadiehtun maiddá e-boastačujuhusa.

Beavdegirji

Mearrádusa guoskevaš beavdegirjji váldosiid ja mildosiid sáhtta bivdit Ohcejoga gieldda registrerenkantuvrras.

Beavdegirji lea 9.12.2024 dolvojuvvon oaidninláhkai almmolaš diehtofierbmái čujuhussii www.utsjoki.fi.